

**BOSNA I HERCEGOVINA
FEDERACIJA BOSNE I HERCEGOVINE
KANTON 10
OPĆINSKI SUD U LIVNU**

Broj: Su-1489 /25
U Livnu, 3.10.2025. godine

Općinski sud u Livnu, po predsjedniku suda Niki Cvitanoviću, na temelju članka 31. stavak 1. Zakona o sudovima (*Službene novine Federacije Bosne i Hercegovine br. 38/2005, 22/2006, 63/2010, 72/2010, 7/2013, 52/2014 i 85/2021*), u procesu implementacije Zakona o zaštiti ličnih podataka (*Službeni glasnik Bosne i Hercegovine br. 12/2025*), 3.10.2025. godine, utvrđuje sljedeća:

PRAVILA PRIVATNOSTI

Cilj Pravila privatnosti Općinskog suda u Livnu (dalje: Sud), u skladu sa člankom 14. Zakona o zaštiti ličnih podataka (u daljem tekstu Zakon), je da, svim licima, čije lične podatke obrađuje, pruži osnovne informacije o toj obradi na transparentan način.

1. Svrha i pravni temelj za obradu ličnih/osobnih podataka

1.1 Vaše lične podatke Sud obrađuje sukladno članku 8. stav (1) tačka c) i e) Zakona, izvršavajući svoje zadatke i ovlaštenja. Navedeni zadaci i ovlaštenja uključuju

- Praćenje i provjera primjene Zakona i drugih zakona o obradi ličnih podataka;
- Postupanje po podnesenim prigovorima nosilaca ličnih podataka;
- Postupanje po podnesenim prijavama različitih subjekata, uključujući i fizička lica;
- Praćenje i provjera primjene obaveza propisanih ovim zakonom, putem inspekcije;
- Prekršajno kažnjavanje;
- Davanje savjeta i mišljenja u vezi sa zaštitom ličnih/osobnih podataka, po zahtjevima različitih subjekata uključujući i fizička lica.

1.2 Vaše lične podatke Sud obrađuje ispunjavajući svoje pravne obaveze, u skladu sa člankom 8. stavak (1) tačka e) Zakona u svrhu:

- odgovaranja na zahtjev za slobodan pristup informacijama;
- upisa podataka u Sudski registar pravnih osoba;
- izradu statističkih, strateških i drugih analitičkih dokumenata;
- evidentiranja stranaka, njihovih zakonskih zastupnika i punomoćnika, notara i drugih lica kroz informacijski sistem za automatsko upravljanje predmetima (CMS);
- upisa podataka u druge evidencije koje Sud vodi na temelju zakona;
- izradu statističkih i drugih podataka za potrebe rada pravosuđa, naročito u okviru realizacije naloga i pravila utvrđenih od strane Visokog sudskog i tužilačkog vijeća Bosne i Hercegovine;
- zaposlenja u Sudu.

1.3 Vaše lične podatke Sud obrađuje na osnovu legitimnog interesa iz članka 8. stavak (1) tačka f) Zakona u svrhu:

- učešća uposlenika na edukacijama i predavanjima za uposlenike (suce, stručne suradnike, namještenike i ostalo osoblje Suda);

- učešća drugih osoba koje nisu djelatnici Suda, u slučajevima kada Sud organizira edukacije, predavanja i druge stručne i sl. aktivnosti.

2. Koja su Vaša prava u vezi sa obradom ličnih podataka?

- **Pravo na prigovor** (Kada Vaše podatke obrađujemo u postupku po prigovoru ili u postupku po službenoj dužnosti ili u postupku davanje mišljenja ili po nekom drugom pravnom osnovu).
- **Pravo na pristup svojim ličnim podacima** (U okviru ovog prava možete zatražiti detaljne informacije posebno o svrsi obrade, o vrsti/kategorijama ličnih podataka koji se obrađuju uključujući i uvid u svoje lične podatke, o primiocima ili kategorijama primalaca, te o predviđenom vremenskom periodu u kojem će lični podaci biti čuvani. Pristup ličnim podacima može biti ograničen samo u slučaju kada je posebnim zakonom propisano ograničenje zbog poštovanja prava i sloboda drugih lica)
- **Pravo na ispravku ličnih podataka** (Imate pravo zahtijevati ispravljanje ili dopunjavanje ličnih podataka ako Vaši podaci nisu tačni, potpuni i ažurni. Napominjemo da je u zahtjevu potrebno navesti šta nije tačno, potpuno ili ažurno i u kojem smislu bi navedeno trebalo ispraviti, te dostaviti potrebnu dokumentaciju u prilog svojih navoda)
- **Pravo na brisanje** (Vaši lični podaci više nisu neophodni u odnosu na svrhu u koje smo ih prikupili ili obradili; ako se lični podaci obrađuju uz vašu suglasnost (član 8. stav (1). ili član 9. Zakona) i ako ne postoji drugi pravni temelj za obradu Vaših ličnih podataka; uložili ste prigovor na obradu svojih ličnih podataka, u skladu sa člankom 23. stav (1) Zakona, te ako ne postoje drugi pravni osnovi za obradu; lični podaci su nezakonito obrađeni;
- **Izuzeci za ostvarivanje prava na brisanje** (Radi ostvarivanja prava na slobodu izražavanja i informiranja; radi poštovanja pravne obaveze ili za izvršavanje zadataka u javnom interesu ili pri izvršavanju službenih ovlaštenja kontrolora; u svrhe arhiviranja u javnom interesu, u svrhe naučnog ili historijskog istraživanja ili u statističke svrhe, u skladu sa članom 56. stav (1), u mjeri u kojoj je vjerovatno da se pravom iz stava (1) može onemogućiti ili ozbiljno ugroziti postizanje ciljeva te obrade; ili radi postavljanja, ostvarivanja ili odbrane pravnih zahtjeva).

3. Prijenos ličnih podataka drugim kontrolorima podataka

Vaše lične podatke Sud daje pružateljima informatičko - komunikacijskih usluga sa kojima je zaključila ugovor i koji poštuju pravila postupanja sa ličnim podacima. Vaše lične podatke Sud može dati trećoj strani ukoliko je isto potrebno za izvršavanje zakonom propisanih obaveza treće strane ili ukoliko je to neophodno za izvršavanje legitimnih interesa treće strane. Također, Vaše podatke Sud neće prenositi trećim licima u inozemstvu, osim ukoliko takva obrada nije neophodna na osnovu međunarodnog propisa ili ugovora koji obavezuje Bosnu i Hercegovinu ili ukoliko to nije neophodno u okviru posebnog postupka u vezi sa zaštitom prava na privatnost koje provodi neka od zemalja članica EU.

Vaše lične podatke Sud neće prenositi u svrhu direktnog marketinga.

4. Sigurnost ličnih podataka

Vaše lične podatke Sud obrađuje na način kojim se osigurava odgovarajuća sigurnost i povjerljivost kao i odgovarajuća primjena principa zakonite obrade ličnih podataka, smanjenje količine ličnih podataka, po principu neophodnosti, te poštujemo vremenski period čuvanja ličnih podataka kao i njihovu raspoloživost.

U cilju sigurnosti ličnih podataka primjenjuje se standard informatičke sigurnosti ISO 27001. Poduzete su organizacijske i tehničke mjere zaštite ličnih podataka, koje su propisane u Planu sigurnosti ličnih podataka, kako bismo osigurali: povjerljivost, integritet, raspoloživost, autentičnost, mogućnost revizije i transparentnost.

Svi zaposleni u Sudu, dužni su potpisati posebne izjave o povjerljivosti ličnih podataka kojima pristupaju (obrađivači).

5. Vremenski period čuvanja ličnih podataka

Vaše lične podatke Sud obrađuje u vremenskom periodu koji je potreban da se ispuni svrha njihove obrade. Nakon prestanka svrhe u koju su prikupljeni, vaši lični podaci se više ne koriste ali se čuvaju u arhivi onoliko vremena koliko obavezuju zakonski propisi o arhivskoj građi.

6. Promjene Pravila privatnosti

Sud će redovno ažurirati Pravila privatnosti kako bi ista sadržavala točne informacije. O svim izmjenama i dopunama bit ćete blagovremeno informirani, u skladu sa principom transparentnosti.

Za ostvarivanje prava možete se obratiti službeniku za zaštitu ličnih podataka na dole navedene kontakt podatke.

7. Podaci o službeniku za zaštitu podataka

Nemanja Tomić, stručni suradnik

Tel: +387 34 206-146

e-mail: nemanja.tomic@pravosudje.ba

NAPOMENA: Službenik za zaštitu ličnih podataka u Sudu ne daje pravne savjete drugim kontrolorima i obrađivačima. Njegova osnovna uloga je davanje savjeta i preporuka o obradi ličnih podataka rukovodstvu i zaposlenicima Suda, koji rade na poslovima obrade ličnih podataka, te nosiocima ličnih podataka čiji lični podaci se obrađuju od strane Suda (podnosioci prigovora, podnosioci prijave, zaposleni i sl.).

8. Kontakt informacije

Općinski sud Livno, Trg branitelja br. 2, 80101 Livno, Federacija Bosne i Hercegovine, Bosna i Hercegovina; tel: +387 34 203-344; fax: +387 34 203-344; e-mail: opsud-livno@pravosudje.ba.

9. OBJAVITI NA OGLASNOJ PLOČI SUDA I NA SLUŽBENOJ WEB STRANICI.

